

姚
北
周
氏
宗
譜

乾

人
部

公元二〇一三年岁次癸巳寅五月重修

姚北周氏宗譜

水雲浦支派



卷一

周

氏

胤

譜

民國己未

順德堂鑄

續修周氏宗譜序

譜之有關於世教也大矣辨昭穆定親疎序長幼別尊卑則倫理由此明耳詎可忽乎哉今歲孟春周君其梧其美生福等因奉宗長其銘之命持宗譜顧廬以修譜之任屬予予固辭弗獲披閱其譜乃予同村東水閣之屬族也嘗攷東水閣淵源有濂溪公挺生宋室咸稱道學名家與朱程諸子相輝映夫惟大雅卓爾不羣第代遠年湮支派所傳莫得其詳自可一公遷姚居石人山之右越五世原三公曾建閣於河中清水潨迴寒烟環裊賓朋笑語一代高風此水閣之名所由著焉厥後支分派析散居不一遂於所處之地各立祠宇水窪浦順德堂傳世祇二十有餘而子姓已有蕃衍之慶予不揣愚昧躬同其族內諸君挨戶採訪詳晰稽考書名號則秩

序不紊書生卒則祭祀有時書配氏則戚屬可稽書葬所則
拜埽弗失其餘世系像贊凡例序文續而編之爰命幼子錦
旋繕寫於紙以付諸梓聊以資考徵云爾

昔

民國八年歲次己未五月

徐復振謹撰

餘姚上林周氏宗譜目錄

卷一

乾集

凡例

題周氏宗譜跋

周氏家乘序

周氏宗譜頌

週塘周氏譜序

始祖濂溪公像

遷姚始祖可一公像

五世萬四公像

六世原三公像

十三世守五公像

十八世恆德公像

土田志

各房藏譜名次

世給餽首之名目

修譜名次

柴塗記略

世系引言

總世系圖

卷二

坤集

總世表

周氏宗譜凡例

凡改定五世爲一圖取五服之親五世復提以終九世是爲九族之義申明宗法從歐式也大書諱字細書名號爵秩生卒葬所遵蘇式也茲合參歐蘇爲一加用硃絲貫聯仿史氏繫世之法也

凡繪像於譜俾後人瞻圖以興孝思之心故按朝圖錄自宋濂溪公可一公及萬四公原三公勝一公茂二公十八世恆德公一脈相承茲錄於譜嗣後有身登仕錄名歷邑老始得繪像其餘不得與焉

凡勅命誥封碑銘誌傳理應書錄於譜所以褒揚宗族世膺國澤而榮耀門第者也老譜因年遙人湮稽攷無由以致祖宗功德淪沒不彰

凡吾族世表自遷姚可一公爲第一始祖以前世系闕而無攷改不書及後分析支派散處各方者亦不書僅書本支老泉所謂譜吾譜者是也

凡前譜自可一公至恆德公茲編圖承接本支俾一身血脈貫聯今各房採錄娶妻配某某之女生女適某某爲妻其間有殘闕者非採錄之荒怠則其若子若孫之自失非故略也

凡男忠婦節宜懸匾入譜表揚幽光兼生平有善行可稱者待沒世後或傳或誌或述或贊皆當備錄以勵後人

凡娶妻曰配元配身故再娶者曰繼曰續又身故曰又娶若元配在而娶者曰庶曰妾曰側室如妾無出者不書婢而有出者亦書子以母貴母以子重不嫌其微也

凡繼嗣必立昭穆兄弟之子爲嗣於生父下書某子出繼某某

爲嗣於繼父下書某某第幾子某某承繼若一子兼兩房僅於繼父下書某某之子承祧

凡有子出繼外姓爲子者冀其歸宗故表明入譜有外姓之子爲嗣者恐其亂宗故不准入譜

凡祠產祭地詳書字號丁甲上地以及畝分致防侵佔盜賣以

崇祀典

凡是譜增定凡例一十二條自當依例遵行印刷二集爲一部計天地人三部藏家另詳於後每至黃梅時藏家啓箱曝曬勿使霉爛是爲至要

題周氏宗譜跋

族譜之作有關於世教也夫矣古有吞鳳履跡之奇系無可
不從世本源幾失故鄭子龍言厥祖而見稱籍談不識乎先
一貽笑不有譜以紀之將使沒於前者何所彰繼於後者何
所考耶班江周叔美爲族譜一編蓋上以繼先志而下傳
於後胤其所以表功德而厚親族制猶西明人倫有不
在茲乎彼棄親之手澤如土苴者大有徑庭則余於此喜談
而樂道之良有以也夫

昔

歲次庚辰三月上巳日古湫曹安題

題周氏宗譜跋

後譜之作有關於世教也大矣古有吞虬履跡之奇系無可
不說世本源幾失故鄉子龍言厥祖而見稱籍談不識乎先
一貽笑不有譜以紀之將使沒於前者何所彰繼於後者何
所考耶竊江周叔美爲族譜一編蓋上以繼先志而下代傳
於後胤之其所以表功德而厚親族制譜如斯明人倫有不
在茲乎彼棄親之手澤如土苴者大有徑庭則余於此喜談
而樂道之良有以也夫

昔

歲三庚辰三月上巳日古湫曹安題

土者也不有譜牒以收渙散則族屬之親淪於吳越簪纓之
胄淪入凡庸是豈仁人孝子之本心哉今御史汀致身
皇朝建功立業炳耀於時請命家居不遑他務輯成是譜傳
示後人其欽宗敬祖之意無以加矣予不揣蕪陋嘉其志不
沒其善故序之於簡端爲之後者當世守之俾勿墜焉者

皆

至正八年戊子季夏上浣之吉

賜進士第奉政大夫浙東廉訪司僉事合肥余闕書

周氏宗譜頌 四

有周之派 出自汝南 冠蓋奕葉 道學輝聯 狀元丞相

繼繼縣縣 文章性道 聖脈賢傳 濂溪之水 道州之蓮

清風傳烈 今古式焉 遭宋末造 流離播遷 涉汴徂臨

遶海之濱 卜宅維吉 姚之上林 公始肯堂 二嗣構成

五世而大 水閣著聲 時傳代遠 散處他方 本支失序

世次漸忘 族人相對 不識名行 裔孫曰孚 克紹先德

聯本宗派 以昭來則 系牽齒列 詳略各得 子女娶葬

披卷而悉 或蕃或絕 紀善戒惡 於以垂世 爲子孫式

睦族敦宗 實維其力 不肖如時 出贊成之 一詞莫堪

和以短詩 願觀譜者 其有所思 誰無宗祖 胡爲忽忘

觀於斯譜 孝享傍徨 誰無父母 胡爲諱慰 觀於斯譜